



ВЫЛЬ СІЗЕН



ОТДЕЛ
РЕЛИГИОЗНОГО
ОБРАЗОВАНИЯ

ПАВЕЛ АПОСТОЛЛЭН ГАЛАТИЯЫН УЛЙСЬЁСЛЫ ЫСТЭМ ГОЖТЭТЭЗ

1-тй ЛЮКЕТ

¹Мон – Павел апостол, монэ адямиос өз бырье, адямиос пыр но мон апостолэ быръемын ой вал, – мон луисько Иисус Христосэн но Сое кулэмысь улзытйсь Инмар Атаен быръем мурт, ²мон ачим, нош озьы ик, монэн ёош улйсь вань агай-вынъёс Галатия шаерысь черкъёслы салам вераськомы. ³Инмар Атайлэсь но Кузё-Инмармылэсь Иисус Христослэсь тйледлы дэлето но каньыллыко улон сйзиськомы. ⁴Туала кескич вапумлэсь асьмеды мозмытыны малпаса, сьöлыкъёсмылы луыса, Инмарлэн, Атаймылэн эрикезья, Иисус Христос Ассэ Ачиз курбон карыса сётйз. ⁵Пумтэм вапумъёсы Со дано мед луоз. Аминь.

⁶Паймисько, кызьи тй Христослэн дэлэтэныз тйледыз Öтись бордысь сокем жог мукетсэ ”зеч иворез” тодытонэ кожиськоды. ⁷Шонерзэ ке верано, со мукет Зеч Ивор öвöл. Вань тйледыз сурась-пожась адямиос, Христослэсь Зеч Иворзэ мыдланьтыны тыршисьёс. ⁸Ми яке Инмысь вуэм кылчин тйледлы тодытэм Зеч Иворез мыдланьтыса мукетсэ ”зеч иворез” тодытыны кутскиз ке, соку со каргамын мед луоз. ⁹Кызьи ми азъвыл верамы ни, али эшшо верасько на: кин ке тйледын кабыл басьтэм Зеч Иворез мыдланьтыса мукетсэ ”зеч иворез” тодытйз ке, соку со каргамын мед луоз.

¹⁰Адямиослэсь-а яке Инмарлэсь-а данъянзэс мон утчасько? Адямиослы-а яраны тыршисько? Та дырозь мон адямиослы кельшыны-яраны турттыса улысал ке, соку мон Христослэн ляльчиез ой луысал.

¹¹Агай-выньёсы, тиледлы ивортйсько: Зеч Ивор, кудзэ мон тодытйсько, со адямиослэсь өвёл; ¹²уго мон сое адямиос кийсь ой басьты, адямиослэсь ой дышетскы. Ачиз Иисус Христос сое мыным устьтйз.

¹³Тй кылйды иудей сямьёсья мынам азьвыл улэме сярись но кызы мон Инмарлэн Черкез вылэ туж зол урдскылй, тырши соосты выжитэм быдтыны. ¹⁴Атайёсмылэсь пельысь пеле вуэм веранзэс туж тыршыса быдэсьяй. Иудей сямьёсья улонын ас выжыысьтым тросэзлы ёзьёсылы мон адзем карымон вал. ¹⁵Нош Инмар монэ вордскемелэсь азьвыл ик бырйиз, Аслаз гажан-жалясь луэменыз Со монэ Аслыз ужаны-тыршыны отиз. ¹⁶Зеч мылкыдзэ сётыса, Аслэсьтыз Пизэ со мыным устьтйз, – вань калыкёслы мон Со сярись Зеч Ивор мед тодытом шуыса. Со дыре мон ноқыче но адямиосын кенешыны ой ветлы, ¹⁷Иерусалиме но мынэсьтым азьлогес луэм апостольёс доры ой мыны, мынй Аравие, собере отысен нош ик Дамаске берытски.

¹⁸Собере, куинь ар ортчыса, Иерусалиме Петрен тодматскыны ветлй, со дорын ог дас вить нунал улй. ¹⁹Мукетьёссэ апостольёсты ой адзы, Кузё-Инмарлэсь братсэ Иаковез гинэ адзи. ²⁰Мар тйледлы гожтйсько, зэмзэ гожтйсько, уг өрекчась-

киськы: Инмар азын верасько. ²¹Со бере мон кош-ки Сирия, Киликия шаеръёсы. ²²Иудеяысь черкъёслэн монэ адзылэмзы ой вал, ²³кылэмзы гинэ вал, кызьы мон куке но соосты ёртыса-жикатыса вози. Нош табере тодытйсько со осконэз, кудзэ азьвыл быдтыны вырисько вал. ²⁴Мон понна соос Инмарлы тау каризы.

2-тй ЛЮКЕТ

¹Дас ныль ар ортчыса, Титэз съорам басьтй но Варнаваен ёош мон нош ик Иерусалиме ветлй. ²Отчы мыныны кулэ шуыса, Инмар мыным валан сётэм бере, мон отчы мынй но язычникъёс пöлын тодытоно Зеч Иворез соослы верай. Сйө-даноосын нимысьтыз вераськи, уго тодыны кулэ вал юнме гинэ уг-а тыршиськы, юнме гинэ ой-а тыршы шуыса. ³Монэн ёош лыктэм Титэз, со грек ке но вал, солы но одно ик вандйськон сямез ортчытыны кулэ шуыса өз ёртэ. ⁴Зэм, асьмеды ляльчимедо карон понна, асьме пöлы öрекчи агай-вынъёс чуртнаськыса пыризы. Соос лушкемен чакланы кутскизы Иисус Христос бордын асьмелы сётйськем эрикмес. ⁵Зеч Иворысь зэмлык воштытэк тй пöлын мед улоз шуыса, соослы ми пичи но öм сётске, öм тэрытске. ⁶Сйө-даноос шуыса лыдьяськисьёс ласянь, – олокыёеесь ке но, оло, соос вал, нош мон понна соос номыр кадь но уг пото: Инмар адямиез ымныр чеберезья уг дунья уго. Та сйө-даноос мыным номыр но выльзэ өз сётэ. ⁷Соос

валазы мыным язычникъёслы, нош Петрлы – йудейёслы Зеч Ивор тодытон оскемын шуыса. ⁸Уго Со ик, Кин Аслаз кужыменыз Петрез иудейёслы апостол кариз, Со ик монэ язычникъёслы апостол кариз. ⁹Инмарлэн мыным сётэм дэлетэз сяресь тодэм беразы, Иаков, Петр, Иоанн, кинъёсты вөсяськисъёс осконлэн пыкъетэз луо шуыса сйлы карылйзы, валче ужаломы-тыршомы шуыса, Варнавалы но мыным кизэс сётйзы. Ми язычникъёс доры мед мыномы, нош соос, иудейёс доры мынозы шуыса, соглаш луэмзэс веразы. ¹⁰Начар улйсьёслы юрттйськыны ми ноку медам вунэтэ шуыса, соос милемыз куризы. Та ужез мон котьку но сьулмысьтым тыршыса быдэсьяллай.

¹¹Петр Антиохияе лыктэм бере, соин соглаш уг луиськы шуыса, мон солы шонерак верай. Уго со янгыш вал. ¹²Иаков дорысь ыстэм муртъёс вуытозь, Петр язычникъёсын валче сиськиз, нош кукета муртъёс татчы вуизы, иудейёслэсь кышкаменыз, со язычникъёслэсь палэнскылыны кутскиз. ¹³Соин валче мукет иудейёс но чеберьяськыны выризы. Варнава гинэ но соослэн чеберьяськонзылы сётскиз. ¹⁴Нош кукета мон адзи Евангелилэн куронъёсызъя кызы кулэ, озьы соос уг лэсьто шуыса, соку мон ваньмыз азын Петрлы шуи: ”Тон иудей луыса вылысь, иудейёс кадь уд улйськы. Язычникъёс кадь улйськод ке, малы соку язычникъёсты иудейёслэн сямъёссыя улыны ёртйськод?”

¹⁵Вордскеммыя ми иудейёс луиськомы, ”сьöлыкo язычникъёс” пöлысь потэмын öвöл. ¹⁶Моисей зако-

нэз быдэсьян пыр адями шонере уг поты, Иисус Христослы оскон пыр гинэ со шонере потэ шуыса тодэммы бере, ми но Иисус Христослы оскыны кутскимы, – законэз быдэсьян пыр өвөл, нош Христослы оскон пыр шонере потон понна. Уго Моисей законэз быдэсьяса, одйг адями но шонере уз поты. ¹⁷Нош Христос пыр шонере потон утчаса, милемды но сьöлыкoesь луиськомы шуо ке, соку, оло, нош Христос но сьöлыклы ужась луэ шат? Нокызьы но озьы өвөл! ¹⁸Мон нош ик лэсьтйсько-кылдытйсько ке сое, мае куашкатй, соку мон та уженым йыруж лэсьтйсь луэмме возматйсько. ¹⁹Инмарлы яраса улон понна, закон пыр мон законлы кулй. Мон Христосэн чош кортчогаьски. ²⁰Табере мон уг ни улйськы, мон пушкын Христос улэ. Лулын-мугорын улйсько ке, улйсько Инмар Пилы осконэн, Кудйз монэ яратйз но Ассэ мон понна курбонлы сётйз. ²¹Инмарлэсь дэлэтсэ мон кулэтэм уг кариськы. Шонере потон Моисей закон пыр луысал ке, соку Христос юнме кулэмын луысал.

3-тй ЛЮКЕТ

¹Эй, нодтэм галатъёс! Кин тйледлы син уськытйз, зэмлыклы тэрытскисьтэм луыны дышетйз? Кортчогам Иисус Христос тйляд син азяды возматэмын ой вал-а?! ²Тае гинэ тйлесьтыд тодэме потэ: Моисей законэз быдэсьямды понна-а, яке Зеч Иворез кабыл басьтэмды понна-а тй Святой

Духез басьтйды? ³Сокем-а тй нодтэмесь: Духлэн дэлетэныз улыны кутскиды, нош табере сое адями кужымен-а йылпумъяны малпаськоды? ⁴Юнме гинэ шат тй сокем трос чидано луиды? Юнме гинэ ой вал, дыр. ⁵Моисей законэз быдэсьямды понна-а яке Зеч Иворез кабыл басьтэмды понна-а, Инмар тйледлы Святой Духез сётэ, тй пöлын паймымон ужьёс лэсьтэ? ⁶Тани, Авраам Инмарлы оскиз, но та понна Инмар сое шонер улйсь шуыса гожтйз.

⁷Тодэлэ ук: Инмарлы оскись муртъёс – Авраамлэн нылпиосыз луо. ⁸Священной Гожтэмын азьпалзэ тодыса верамын вал, Инмар язычникъёсты оскон пыр шонере поттоз шуыса. Уго Авраамлы Инмар таёе зеч ивор вераз: ”Тон пыр вань калыкъёс бакель каремын луозы”. ⁹Озыен, ваньмыз Инмарлы оскисьёс Инмарлы оскись Авраамен огазын бакель каремын луозы. ¹⁰Ваньмыз Моисей законэз быдэсьян вылэ оскиськыса улйсьёс карган улэ сюремын. Священной Гожтэмын тазы шуэмын уго: ”Закон книгае гожтэмысь марзэ ке одйгзэ быдэстйсьтэм мурт каргамын луэ”. ¹¹Инмар азын нокин но Моисей законэн шонере потыны уг быгаты. Со валамон, малы ке шуоно, шонер улйсь оскон пыр пумтэм вапумьёслы улон басьтоз. ¹²Нош Моисей закон оскон вылэ уг пыкиськы. Священной Гожтэмын тазы верамын: ”Инмарлэсь курон-косонъёссэ быдэсьясь мурт улон басьтоз”. ¹³Асьме понна карган луыса, Христос асьмеды законлэн карган улысьтыз мозмытйз. Моисей законын гожтэмын уго: ”Котькудйз писпу

бордын ошиськыса улҥсь мурт, каргамын”.¹⁴Инмарлэсь Авраамлы сйзыыса сётэм бакель каронзэ Иисус Христос пыр язычникъёс но мед басьтозы. Инмарлэсь сйзыыса сётэм Духсэ оскон пыр асьмеос но мед басьтомы.

¹⁵Агай-выньёс! Адями визьмын верасько: адями-лэсь сйзиськон гожтэтсэ но, со шонер лэсьтыса юнматэмын ке, сое воштыны, отчы маке но ватсаны нокин но уг ни быгаты. ¹⁶Нош Авраамлы но, солэн кидысэзлы но сйзиськонъёс сётэмын вал. Шуэмын өвёл ”кидысьёсыдлы” – трос муртъёслы кадь, нош шуэмын одйг муртлы кадь: ”тынад кидысэдлы”, нош кидыс – со Христос. ¹⁷Тани мон мае верасько: Христос сярысь Инмарлэсь азьвыл юнматыса сётэм сйзёнзэ ньыль сю куамын ар ортчыса вуэм закон уг вошты, сйзёнлэсь кужымзэ быдтыны со уг быгаты. ¹⁸Уго Моисей закон пыр Инмар дорысь люкетэз басьтыны луысал ке, соку сое сйзиськон пыр басьтыны ой ни луысал. Нош Авраамлы Инмар сйзиськон пыр люкет сётйз. ¹⁹Соку нош законлэн кыче кулэлыкез? Со берлогес сётэмын вал, йыружъёслы луыса, Кидыслэн лыктонэз дырозьлы, Кудйзлы сйзён сётэмын вал. Закон кылчинъёс пыр, куспын сылйсьлэн кыныз сётэмын вал. ²⁰Куспын сылйсь оgez пала гинэ уг пыры, нош Инмар – одйг.

²¹Озьыен, Моисей закон Инмарлэн сйзёнъёсызлы пумит сылэ? Уг. Озьы өвёл! Уго улон вайыны быгатйсь закон сётэмын луысал ке, соку, зэм ик, шонере потонэз закон пыр басьтыны луысал. ²²Нош Священной Гожтэм вера, кызы быдэс дун-

не сьӧлыклен жильятаз улэ, соин ик, сйзиськем Иисус Христослы оскисьёслы оскон пыр сётэмын луоз шуыса.

²³Нош та оскон вуытозь, осконлен усьтйськон дырыз вуытозь, ми законлен ворсэт улаз пытсамын вал. ²⁴Оскон пыр шонере мед потомы шуыса, Моисей закон ми понна Христос доры нылпиосты валтыса нуллйсь кадь вал. ²⁵Нош оскон вуэм бере, нылпиез валтыса нуллйсьлен ки улаз ми өвӧл ни.

²⁶Уго Иисус Христослы оскон пыр ваньды тй Инмарлен нылпиосыз луйськоды; ²⁷ваньды тй, Христос бордын пылатйськемьёс, Христосэн шобырскиды. ²⁸Өвӧл ни табере иудей но, еллин но; өвӧл ни ляльчи но, эрико мурт но; өвӧл ни пиосмурт но, кышномурт но: уго Иисус Христос бордын ваньды тй одйг мугор луйды. ²⁹Нош тй Христослен ке, соку тй Авраамлен кидысэз, Инмарлен сйзиськонэзья люкет басьтйсьёс луйськоды.

4-тй ЛЮКЕТ

¹Эшшо верало на: люкет басьтйсь пичи дыръяз номырин но ляльчилэсь уг висьяськы, ачиз ваньмызлы кузё ке но луэ. ²Атаен юнматэм дыр вуытозь, со тэрытскыса улэ аслаз утисьёсызлы, юртэн кивалтйсьёслы. ³Озыы ик асьмеос но: пичи дыръямы та дуннелэн законьёсыз борды думиськем ляльчиос вал; ⁴нош дыр вуиз но Инмар Аслэстыз (Одйг гинэ) Пизэ ыстйз. Со нылкышнолэсь вордскиз. Со законлы тэрытскыса улон понна

вордскиз. ⁵Закон улын улҥсьёсты мозмытон но асьмеды Аслыз нылпи карон понна, Инмар Аслэстыз Пизэ ыстӳз. ⁶Нош тӳ Солэн нылпиосыз бере, Инмар тӳляд сӳлмады ”Авва, Атай!” шуыса вазиськись Пиезлэс Духсэ ыстӳз. ⁷Соин ик тон – пи, ляльчи өвӳл ни; нош пи ке тон, соку Иисус Христос пыр Инмарлэн люкет басьтӳсез луиськод.

⁸Азьвыл, зэм Инмарез тодытэк улыкуды, асьтэ инмарӳстылэн тӳ ляльчиосыз вал, кудӳсоз зэм Инмар уг луо. ⁹Нош али зэм Инмарез тодыса вылысь, куке тӳледыз Ачиз Инмар тодӳз ни бере, малы тӳ нош ик со кужымтэм, пайдатэм законӳс борды берытскиськоды но асьтэдыз соослы эшшо но ляльчи-медо карыны тыршиськоды на? ¹⁰Нимысьтыз нунальӳсты, толэзьӳсты, арлэс дырӳсэс, арӳсты сӳлы карыса улыны кутскиды. ¹¹Тӳ понна кышкасько. Юнме гинэ медаз луы вал тӳ дорын тыршеме.

¹²Агай-вынӳсы, тӳледыз курисько: мон кадь ик луэлэ, мон но тӳ кадь ик кариськи уго. Тӳ монэ номырин но вӳсь өд каре. ¹³Тӳ тодӳськоды, кызы мон нырысетӳ ползэ тӳ дорын Ӵеч Ивор тодытыкум висисько вал. ¹⁴Мынам висӳнэ шоры учкыса, тӳ мон дорысь өд палэнске, өд юрдэ. Монэ Инмарлэс кылчинзэ кадь, Иисус Христосэз кадь, кабыл басьтӳды. ¹⁵Кыӳе тӳ соку шудоесь вал! Кытчы со пыриз? Тӳ сярысь верасько: озы карыны луысал ке, соку тӳ асьтэлэсь синдэс ишкалтысалды но мыным сӳтысалды. ¹⁶Тӳледлы зэмлыкез верам поннам-а, мон тӳляд тушмонды луи? ¹⁷Моисей законӳя улыны курисьӳс тӳледлы ӳеч карон

сярысь уг сьолмасько. Соос тыршо тйледыз асьсэ пала карыны, нош монэ тй бордысь палэнтыны. ¹⁸Зечез сярысь сьолмаськыны котьку но умой, мон тй дорын луыку гинэ со медаз луы. ¹⁹Пинальёсы! Тйляд улонды бордысь Христос адзиськытозь, мон нош ик тй понна нуны ваись анайлэн курадзонэныз курадзисько. ²⁰Мынам табере, тй доры сюрыса, мукет сямен вераськеме потэ, уго мон, тй пумысен мар вераны ик паймемын.

²¹Тй, закон улын улэмды потйсьёс, вералэ мыным: тй уд кылйське шат, мар вера Моисей закон? ²²Гожтэмын уго: ”Авраамлэн кык пиез вал. Одыгез* ляльчилэсь, нош мукетыз** – эрико кышномуртлэсь вордскемын вал”. ²³Ляльчилэсь вордскемез вань нылпиос кадь огшоры вордскиз; нош эрико кышномуртлэсь вордскемез Инмарлэн сйзёнэзья вордскиз. ²⁴Та котырьяса веран луэ. Та кык сйзёнъёс: одйгез Сйнай гурезьысь потэ, солэсь ляльчиос вордйсько, та сйзён возматэ Агарез. ²⁵Уго Агарь – со Аравийысь Сйнай гурезь, со туалала Иерусалимез возматэ, малы ке шуоно, Иерусалим но, солэн нылпиосыз но ляльчи радын уло. ²⁶Нош Инмысез Иерусалим эрико: со – ваньмылы асьмелы анай луэ. ²⁷Гожтэмын уго:

”Шулдырьяськы, ноку но нылпи ваисьтэм,
нылпи ваёнэз тодйсьтэм!

* 4:22 Измаил – Авраамлэн пиез. Измаил вордскиз Авраам дорын ляльчиын улэм Агарь нимо Египетысь потэм кышномуртлэсь.

**4:22 Исаак – Авраамлэн пиез. Исаак вордскиз Авраамлэн зэмос кышноезлэсь, Сарралэсь.

Шумпотыса черектйськы нылпи ваёнэн курадзисьтэм!

Уго куштэм кышномуртлэн кузпалэн улйсь кышномуртлэн сярысь нылпиез эшшо но тросгес луоз”.*

²⁸Агай-выньёсы, асьмеос, Исаак кадь ик, сйзись-конлэн нылпиосыз луиськомы. ²⁹Кызыы соку вань адямиос кадь огшоры вордскем мурт, Духлэн эрикезья вордскемез улляса возиз, озьы ик али но луэ. ³⁰Мар бен вера та пумысен Священной Гожтэм? ”Ляльчи кышноез, солэсь пизэ но улля, уго ляльчи кышнолэн пиез эрико кышнолэн пиеныз ёош огкадь люкет уз басьты.” ³¹Соин ик, агай-выньёсы, асьмеос ляльчи кышнолэн өвёл, эрико кышнолэн нылпиосыз луиськомы.

5-тй ЛЮКЕТ

¹Та эрикез асьмелы Христос сётйз. Соин ик юн сылэ, нош ик ляльчи-медо луонлэн зйбет улаз медад сюре шуыса. ²Тани, мон, Павел, тйледлы мае верасько: вандйськон сямеэз тй ортчытйськыды ке, Христос тйледлы но кычье но пайда уз сёты. ³Котькудйзлы, вандйськон сямеэз ортчытйсьлы, эшшо одйг пол верасько на: со мурт быдэс законэз быдэсьяса улыны кулэ. ⁴Тй, законэз быдэсьяса улонэн асьтэдыз шонере поттыны вырисьёс, тй Христосэн люкиськиды, дэлет басьтонтэк кылиды.

* 4:27 Ис. 54:1.



⁵Нош ми духенымы оскон пыр шонере потонэз чидатэк витиськомы. Солы ми юн оскиськиськомы. ⁶Иисус Христос бордын улыку вандйськонлэн но, вандйськытэк кылёнлэн но нокыче дунлыксы-кулэлыксы өвёл, яратонэн тыр луись оскон гинэ кулэлыко.

⁷Тй умой мынйськоды вал: кин тйледлы люкетйз зэмлык бёрсы мыныны? ⁸Таё уж тйледыз Öтись бордысь потэмын өвёл. ⁹Пичи гинэ шөм быдэсак лаиськемез чыршатэ. ¹⁰Мукет сямен уд малпаське, мон кадь ик тй но малпаськыны кутскоды шуыса, тае Кузё-Инмарлы оскиськыса верасько; нош тйлесьтыд визьдэс тугась, – котькин со мед луоз, – суд улэ сюрытэк уз кылы. ¹¹Агай-выньёс, али но мон вандйськон сямеэ тодытйсько ке, малы бен монэ улляло на? Соку кирос пумысен визь сынаськон быдтэмын луысал. ¹²Э, тйлесьтыд оскондэс тугаса-пожаса улйсьёс асьсэлэсь асьсэос чогыса куштысалзы ке!

¹³Агай-выньёс, тй эрико улон понна өтемын, но тйляд эрикти лулмугор сярысь сюлмаськонлы медаз пөрмы вал. Тй огдэс огды яратыса, юрттйськыса улэ. ¹⁴Уго быдэс законлэн шорсюлмыз луэ таё курон-косон: ”Матысьтэ астэ кадь ик яраты”. ¹⁵Огдэс огды куртчылйськоды, йырийськоды ке, чакласькелэ: огдэс огды чылкак медад быдтэ.

¹⁶Мон шуисько: Духлы тэрытскыса улэ, соку лулмугорлэн кулэ кароньёсызлы тэрытскыса уд улэ. ¹⁷Уго Духлы мар ярантэм-кулэтэм, лулмугор сое кулэ каре. Нош Духлы мар ярано, сое лулмугор кулэтэм каре: соос огзылы огзы пумитьясько,

– мае лэсьтэмды потэ, сое тй медад лэсьтэ шуыса. ¹⁸Тйледын Дух кивалтэ ке, соку тй Моисей закон улын уд улйське ни. ¹⁹Лулмугорлэн сьöлыко ужъёсыз тодмоесь, тани соос: азыса-калгыса улон, юрзым, кырсь ужъёс лэсьтон; ²⁰сульдэръёслы-идольёслы йыбыртъян, веднаськон, тушмонъяськыса улон, керетонъёс, вожъяськон, вожпоттон, даллашонъёс-ченгешонъёс, тупатэк улон, öрекчи дышетонъёс, ²¹синазыкыль карон, адями виён, юыса улон, визьтэмъяськон-укылтэмъяськон но мукет та выллем лек ужъёс. Кыззы азьвыл вералляй, али но тйледлы верасько: тазы улйсьёс Инмар Эксэйлыкын люкет уг басьто.

²²Духлэн таёе емышез: яратон, шумпотон, тупаса улон, чидась луон, лякытлык, гажась-жалясь луон, ог-огедлы оскиськымон луон, ²³зйбыт-востэм луон, возиськыны быгатон. Таёе сямъёслы пумит закон уг мыны. ²⁴Христос пала кариськемъёс юрзым кулэ каронъёсын азэм лулмугорзэс кортчогазы. ²⁵Асьмеос Духен улйськомы ке, соку Духлы кыззы кулэ, озыы ик лэсьтыны но кулэ. ²⁶Ушъямез-данъямез яратыса ум улэ. Ойдолэ, огмес огмы ум керзегъяськытэ, огмылы огмы ум вожьяське.

6-тй ЛЮКЕТ

¹Агай-выньёсы! Адями кыёе ке но сьöлык лэсьтоно луиз, нош тй со сярись тодйды ке, соку тй, духовной адямиос, сыёе муртэ зйбыт-востэм

духен визьмалэ. Визь сынаськонэ медад сюре шуыса, асьтэдыз асьтэос но чаклалэ. ²Ог-огдылэсь секытлыкьёстэс нуллыны юрттйське, – озыы тй Христослэсь законзэ быдэстоды. ³Ачиз нокин ке но овёл, нош со ассэ вылй луисько шуыса лыдья ке, со ассэ ачиз озыы пöя. ⁴Котькудйз аслэсьтыз ужьёссэ ачиз мед эскероз-чаклалоз, соку со, мукетьёсын ассэ чошатытэк, аслаз азинсконьёсыныз ушьяськыны быгатоз. ⁵Уго котькудйз адями аслаз улоньсьтыз секытлыкьёсты ачиз нуыны кулэ. ⁶Инмар кыллы дышеткись муртлэн маиз вань, сое со дышетйсеныз шори мед люкоз. ⁷Öрекчась-конлы эн сётске: Инмар Ассэ сантэмань эрик уг сёты. Адями мае кизе, сое ик со ара. ⁸Аслаз лул-мугорьзылы ярамонзэ кизись, лулмугорьзы бордысь сисьмон аралоз. Нош кин Духлы ярамонзэ кизёз, со Дух бордысь бырисьтэм улон аралоз. ⁹Зеч уж лэсьтыны эн жаде. Öм ке лябзе, кизем бусымес ас дыраз араломы уго. ¹⁰Озыен, дырмы вань на бере, ойдолэ, вань адямиослы зеч уж лэсьтоме, нош уката ик асьме осконысь агай-выньёсмылы.

¹¹Адзиськоды-а макем бадзымесь букваосын, ас кыным мон тйледлы гожтэт гожтй. ¹²Мугорьзылэн вылтусыныз ушьяськыны яратйсьёс, Христослэн киросэз понна соосты медаз уллялэ-ултйялэ шуыса гинэ, тйледыз вандйськон сямез ортчытыны ёрто. ¹³Уго вандйськемьёс асьсэос но законэз уг чаклало-утё, но туртто, вандйськон сямез тй мед ортчытоды шуыса, – тйляд мугореныды ушьясь-кон понна. ¹⁴Нош Кузё-Инмармылэн Иисус Христослэн киросэныз сяна, мынам номырин но ушь-

яськеме уг поты. Со кирос бордын мон понна дунне кортчогамын, мон но дунне понна кортчогамын. ¹⁵Уго Иисус Христос бордын вандйськонлэн но, вандйськытэк кылёнлэн но но кычье дунлыксы өвёл. Ваньмызлэсь дуноез со: Инмарлэн кылдытэм выль адямиез луон. ¹⁶Кинъёс та куронэз быдэсьяса уло, соос пöлын каньыллык, гажасажалыса улон мед луоз, Инмарлэн Израиль калыкез пöлын но озыы ик мед луоз.

¹⁷Азьланяз нокин но мыным куректон медаз ни вайы, уго аслам мугор вылам Кузё-Инмарлэсь Иисулэсь яраоссэ мон нуллйсько.

¹⁸Агай-выньёсы, Кузё-Инмармылэн Иисус Христослэн дэлетэз тйляд духеныды валче мед улоз. Аминь.

